

## Լեռան

Մակերես՝ 16,59կմ<sup>2</sup>

Բնակչություն՝ 826

Տնային տնտեսությունների թիվը՝ 270:

Գյուղը կազմավորվել է մոտավորապես 1850-ական թվականներին: Այն գտնվում է ծովի մակարդակից 1460 մ բարձրության վրա: Հեռավորությունը Ստեփանավան քաղաքից 7 կմ, մարզկենտրոնից 43 կմ: Գյուղի հյուսիսային կողմում սարեր են, արոտավայրեր, արեւելյան կողմում մոտ 40 մ խորությամբ ձորն է և անտառը, հարավային և արևմտյան կողմերում վարելահողերն են: Գյուղի կլիման վերջին տարիներին խիստ փոփոխվել է: Նախկին ձյունառատ ձմռան փոխարեն ներկայումս շատ քիչ ձյուն է տեղում, գարունը ցուրտ է, ամառը՝ զով, իսկ աշունը տաք է անձրևային: Հաճախակի են կարկտային, երաշտի տարիները, որոնք մեծ վնաս են հասցնում գյուղատնտեսությանը:

Համայնքի բնակչությունը հիմնականում զբաղվում է հողագործությամբ և անասնապահությամբ:

Հիմնականում համայնքում արտադրվում են ցորեն, կարտոֆիլ, կերի արմատապտուղ, բանջարաբոստանային կուլտուրաների (վերջինս սեփական սպառման համար), միս, կաթ, մեղր, բուրդ և ձու (սեփական սպառման համար): Երաշտի եւ կարկուտի, վատ որակի, հնացած սերմացուների և սպառման շուկայի բացակայության պատճառներով գյուղացին կորցնում է բերքի 40-60%-ը:

Երաշտի տարիներին խոտի և խտացված կերի անբավարարվածության պատճառով դժվարանում է անասունների մսուրային շրջանի կազմակերպումը, որը հանգեցնում է անասունների հարկադրված մորթի:

Գյուղն ունի միջնակարգ դպրոց, ուր սովորում են 79 աշակերտ, գրադարան, մանկապարտեզ:

Համայնքն ունի 5-րդ դարում կառուցված եւ 19-րդ դարում վերակառուցված եկեղեցի:

Գյուղում գործում է մեկ բժշկական ամբուլատորիա, որը գտնվում է վարչական շենքում:

Համայնքի հիմնախնդիրների մեջ կանգորվում են ճանապարհների վերանորոգում, դպրոցի շենքի վարակառուցում, սպորտդահլիճի կառուցում, մշակույթի տան կառուցում, խմելու ջրի ներհամայնքային ցանցի վերանորոգում: